

香如叢刊

題雪泥



香如叢刊

民國四年乙卯十二月付印

民國五年丙辰二月發行

香如叢刊

每冊定價六角

錢香如

著者兼
發行者

編輯者兼
校訂者

代印者

總發行所

經售處

分銷處

各省各大書坊

穎川秋水

上海四馬路老巡捕房東首廿一號
中國圖書公司

滬南三泰碼頭敬安坊內
游戲書社

上海棋盤街
錦章圖書局
上海四馬路
國華書局



香如叢刊弁言

●李東莖君

今夫班香宋艷文運煥乎昌明楚咻齊諧解嘲極其能事董狐記載直筆昭垂淳于滑稽冠纓索絕鄒衍爲談瀛者發軔虞初是小說所濫觴顧曲周郎手度則翩翩絕俗登場優孟衣冠則歷歷如生投佳句於錦囊心血嘔盡長吉畫神龍於破壁明晴點出僧絲凡茲出類拔萃之奇才俱屬震古鑠今之盛業世人擅其一得已足開拓百代之心胸先生綜厥十全宜乎推倒一時之豪傑也已試看宏篇鉅製極洋洋之大觀寸簡尺書皆奕奕有生氣先生之文章皆於此也主文譎諫之辭諱不及虐里巷謳歌之事熟極而流先生之諧著萃於此也又如風雨一篇重雞林之聲價名山萬卷拾燕史之異聞是曰筆記吟風嘯月聞者爲之解頤指桑罵槐閨座因而捧腹是爲笑林又如赤縣神州別開燦爛莊嚴之境蓬萊方丈不盡虛無縹緲之談則先生之瀛諱也張皇鬼神之狀帶荔披蘿婉戀兒女之私搓酥團粉則先生之小說也又如唱徹一聲河滿清淚絲絲聽來兩字伊涼餘音嫋嫋於歌曲三折肱矣逢場作戲鑄生旦淨丑於一爐出色當行合檯步聲容而並美於劇談一言蔽之又如斷縑零帛收入珊瑚之網吉光片羽留題翰墨之林則添雜俎一門也摩巖野之音容形迹超乎象外認廬山之面目神妙欲到毫巔則有畫媵多種也在作者蠻箋十幅着墨豈云不多而讀者文福雙修開卷定知有益擬彼西籍可稱百

科。全。書。宏。我。漢。京。允。推。一。時。傑。構。是。爲。序。

倪軼池君

竊聞淵明高士賦不廢乎閒情商隱詩人才有餘於雜纂江花之夢都韻藻續六朝宋豔之文不孤光分三戶莫不寄生涯於著述玉十穀而皆雙付事業於丹鉛錦百兩而名匹者也吾友香如渥濱市隱澗水名流七歲賦高軒李長吉蚤驚幼慧十年磨短墨庾子山漸底老成魔術爲講義之編出神入化科學以游戲相導貫中澈西宜乎讀元家之異書足奪經生之講席矣然而中郎文采限窺豹於一斑學士才華比瞻龍兮片甲李昌谷不開古錦饒眼何醫梁昭明久局文樓傾心曷已茲何幸叢刊之輯卽慰余積想以來五色都迷恍眩奇珍於海市八音競奏如聽雅樂於鈞天揚子雲自是文豪詞華駢集東方朔大有仙氣筆舌俱諧海客清譚言言玉屑虞初說部字字珠璣效杜牧風流小紅低唱爲周郎月旦大白同浮固不僅雜俎媲美於零金畫媵傳神於阿堵已也嗟嗟炫歐化爲曙旭文幾無徵弔魯國之斜陽歲聿云暮何況江湖滿地捫心多荆棘之憂風雪連天舉目有滄桑之異則錢子之名山乞壽閉戶著書以秋士之情懷寫冬郎之才調其殆如賈誼之傷時作賦屈原之憤俗纂騷者非歟而交聯翰墨吾道於以不孤碎拾繚紆斯文賴焉弗墜願學一辭之贊誦金粉名篇愧無寸寶之才爲玉臺作序。

李定夷君

滿腹精神異才鳴世狀頭文字名著成篇漱六藝之清芬心遊萬仞傾萃言之精液氣溥九淵洋洋乎陸海浩浩乎潘江郁郁乎文彬彬乎質有如我友錢子香如者乎翳夫因題制美從律成章石蘊玉而山輝水懷珠而川媚文垂條而繁結著作之林理立幹而質扶續紛之藻萬戶千門七陶八冶鱗鱗炳炳喬喬皇皇若網在綱鈞珊瑚而出海如金就範鍊鉛汞而成丹黃鳥青枝屬參軍之麗句碧鱸紅樹據騷客之吟懷相如才調曼倩談諧粲花有舌成竹在胸宜其價重藝林譽流閭苑矣況乎羣玉之峯圭璋入選衆香之國錦繡取裁一卷烏絲濃粧淡抹千秋鴻寶並蓄兼收甲乙分編丙丁合纂允若茲觀止矣定夷久仰宗風欣瞻巨帙恍披金筵之篇誰登泰岱敢續玉臺之序我慕徐陵

●仇鐵仙君

報辯謂予曰香如有命矣所著叢刊不日出版屬爲序予當有以報并出其所貽之書以示予予應之曰錢子之面吾未嘗一見也叢刊之書吾未嘗一讀也雖欲序之烏從而序之旣而曰得之矣吾不曾讀錢子之游戲科學序錢子之魔術講義乎此叢刊之體裁縱或有不同而其筆致之飄逸心思之智巧說明之簡當繪圖之精緻同出一作者之手當無有不同者又不曾見錢子化裝之攝影乎忽而明朝秀才忽而滿清軍官忽而茅山道士忽而西洋美女化爲十數錢香如神情態度足令人拍掌而哄堂而其本來面目仍未嘗失也卽其書以觀其人卽其人以評其書雙方對勘真相自見雖其人之笑貌終隔玻璃世界不得與之握手而亦可接其丰采焉雖此叢

刊之發生。尚在胚胎時代。不能窺其所以。而亦可推其梗概焉。是即可以序錢子之叢刊也。故書此以報錢子若世之讀錢子之書而觀予序者。交相稱曰。千里神交。無如二子。則更幸矣。

魏醒厂君

自來嬉笑。怒罵蘇坡老。盡是文章。陵轢吐含。溫子昇。允推元帥。不擅雕蟲。末技。誇賦筆之凌雲。卻擲吐鳳。奇才看詞源之瀉水。行行金玉。儼成錦繡之堆字字珠璣。妙得江山之助。是鍾王對此而難揮椽筆。屈宋於斯而甘作衙官者也。茲有文雅英雄。香如鉅子。雕龍脫囊。繡虎揮毫。裁十樣之鸞箋。製美洗六朝之蛙響。鹿洞名高。吟成鸚鵡。才多。筌實。協調。織出鴛鴦句。麗翰墨生香。有時智府潛開。元關洞啓。判詞林之優劣。操真宰之權衡。本爲天上精英。聊作塵中游戲。是故叢刊出發紙貴。一時巨帙編成。篇分十類。歷觀詩詞歌賦。各抒子建之才。滑稽談諧。僉得東方之妙。騁妍抽秘。記事則包括古今。翻陳出新。解頤則渾忘疲倦。點綴歐風。美雨無非海外奇談。描摹氣短情長。畢竟人間恨事。他若歌喉宛轉。樂府新章。劇韻悠揚。梨園妙選。零星金玉。選辭則信手拈來。怪狀奇形。佈景則從心所欲。罔不模山範水。修月裁雲。納八極於囊中。集羣靈於腕底。權操意匠。羨君司契。無偏巧奪。天工令我讀書不厭。竟爾筆歌墨舞。淋漓增虎僕之光。自然綺合星稠。價值媲雞林之美。

孫玉聲君

余好作汗漫遊大江南北。外間嘗冒風濤。歷寒暑。徜徉於荊楚齊魯。晉豫燕趙間。而見夫山川之靈秀。以浙爲最。

吳次之故鍾毓多佳士。錢子香如，浙人而產於吳者也。幼岐嶷，長而寢饋於古今傳記、雜說、百家之書，故其爲文輕倩流利者有之，莊嚴璀璨者有之，哀感頑豔、突梯滑稽者亦無不有之。不一其文，卽不一其格。與晚近著述家所自詡謂叢刊之作，近是積若干年得八萬餘言，乙卯之冬付諸剞劂，因以香如叢刊名，而別爲十類。余謂錢子此編中多天籟縱無十類之分，而其文固各自爲類，有不期然而然者。與削足就履、強作叢刊、徒思誇多鬪靡其實千篇一律不得謂之爲叢刊者，有異錢子與衆異而錢子此編其可以傳矣。錢子之文傳而錢子之名亦於以傳矣。雖然，余謂錢子叢刊成而錢子之名則猶未成也。且余雅不願如錢子其人者，而僅於此區區雕蟲小技，成其名也。夫錢子爲山川靈秀之氣鍾毓之一人，其才當求其有可以名世者在。雖棄儒就賈而學年正富，他日者致力於著作，一途管子、官山、府海諸篇，非異人任。況錢子研歐學通象，譯設發泰西商學諸書之祕，以餉我中華實業界同胞，興商卽所以強國。馳譽環球，指顧間事而錢子之名斯成。豈一叢刊之作遂謂已盡筆墨之能事，其他無所表見哉？嘻，方今朝野多故，時局騷然，懷才之士求仕固萬不可，而養字不能療飢，儒又不足爲固莫若效陶朱公之以商隱。錢子不爲無見，第大造生才不易，錢子有其才業已隱於商矣。幸崔君苗筆硯未焚，是天之以才畀錢子有待其發抒者，正大勿自囿於章句小儒之學，則後之成名者當在彼不在此。錢子勉乎哉！余蓋拭目而樂觀異日之所造也。爰於其香如叢刊成而爲之序數語於簡端如此。

●陳秋水君

香如叢刊弁言

而農鉅儒演龍舟之雜劇。若士才子逞燕說爲傳奇。聖歎外書餘墨例多游戲。武帝內傳雜史不礙荒唐。蓋自小說列在稗官。虞初創於漢世。以還代有著作時露光芒。卽色卽空。從來寓言八九。妄談妄聽。原非曲禮三千。故等諸匡鼎說詩。祇圖顧解。律以莊生述夢。好作神遊。始可貴也。奈第佗其冠之豎儒。卽當其袖之迂士。每謂茲雖小道。亦具宏規。陳義須敷。詩人合風雅頌之四始。立言應同史筆。綜才學識之三長。由是偶書牛鬼蛇神。湖厥淵源。山經橫遭抨擊。爲寫美人香草。昧其寄託。離騷累受譏彈。其他作者更無論焉。然喜則笑而怒則罵。雖未脫滑稽之風。惡者貶而善者褒。竊自附春秋之後。是以良史殿之。十家名著。登諸四庫。不視作斯文之掃地。且稱爲大雅之扶輪也。香如錢子飄然自得。具思曼之仙姿。卓爾不羣。有河間之雅度。故值終軍請纓之綺歲。已擅湘靈鼓瑟之詩才。言成一家。笑曼倩祇工射覆。君曾撰有魔術講義游戲科學等書。語妙天下。愛君房雅善搗詞。遂爾合英咀華。萃中西之學識。震今鑠古。輯新舊之見聞。屏除島瘦郊寒。語嫌枯澀。摘得班香宋豔。詞尙華腴。僕雖不敏。心嘗好之。竊比侯芭徧誦子雲玄草。愧非鄭谷敢評齊已梅詩。因廣流傳。僭加校勘。揄揚奇著。洵難錦上添花。唐突方家。直是佛頭著糞耳。是爲序。

香如叢刊題詞

●陶報癖君

機杼一家雲煙滿紙南北蜚聲香如錢子
埋頭伏案允是書癡等身著述摛而編之
顏曰叢刊莊諧並列其學心儀其名耳熱
生而識字便種愁根新作舊作血痕淚痕
才子文章流傳至速薄海同文大飽眼福

●陳息游君（集龔定齋句）

使君談藝筆通神閱歷天花悟後身
幾輩凡胎無覓處誰疑臣朔是星辰
不是逢人苦譽君胸中靈氣欲成雲
通人識小聊爲樂樸學奇才張一軍

●戴喟菴君

寒士無計回天日窮年長作蛩蛩呻
青箱事業空在守兀兀那識無邊春
香如錢子今俊傑著作年來亦等身
覃思朗月謝流俗真放高風侔古人
酒龍詩虎原無敵更有叢刊照世珍
長篇短什盡瓊玉湔滌塵垢留清新
筆陣

新排雲疊。壘詞源。時湧水鄉。把臂蘇黃。揖劉阮。勞勞歌哭。動鬼神。眼底滄桑飽。經歷何當散髮甘隱淪。日向書城。討生活。嗟我役役如勞薪。讀君此卷。三歎息。我欲攫之君莫瞋。我有此卷能療貧。

●錢質丞君

波詭雲譎。滄溟開白雲。蒼狗紛潮來。年年鳴咽春申水。幾輩重登大舞臺。寶相莊嚴新世界。舊雨重逢滄桑話。淺樹低唱。問何人大道青樓堪入畫。名士從來富五車。文采風流似相如一卷琳琅。大手筆十函秘籍小中書。東方之文。淳于史談諧滑稽不及此嬉笑。怒罵皆文章。把酒縱談當世事。名字堪稱記事珠。非非是是。不模糊。屈原已死。離騷歇。誰見新亭灑淚圖人生。難逢開口笑。拍肩欲效洪崖嘯。當筵噴飯亦名流。越姬願解吳姬誚。歐風亞雨太逼人。三島十洲說不真。自古談天有鄒衍。震瀛十萬東西鄰。唐代叢書宋裨官。光怪陸離一般秋燈夜雨征人淚。古道斜陽客子譚閒道。江南新記錄。春燈燕子金蓮燭。塞上秋風敕勒歌。閨中子夜相思曲。重翻舊譜按梨園。檀板金樽細品論。顧曲周郎知有誤。宮人垂淚唱開元。筆輝五色工幻化。花雨繽紛九天下。竹頭木屑盡成材。碎錦零縑原無價。煙花過眼幻無窮。楮墨描摹苦不工。借得雲林新點綴。傳神都在畫圖中。從來才子愛風流。一卷難量萬斛愁。述志班超曾續史。數奇李廣不封侯。君不見張翰專鱸邵陵瓜。王謝堂前日已斜。又不見諸葛出師來。歛死漢家自有真。天子世事分明一局棋。我儕無處覓何隨。但願長歌把酒共醉白雲湄。獨坐狂吟試問和者誰。

●潘定思君

五色生花筆。縱橫箸作林。硯田餘墨。潘燎炬比書淫。選例昭明集。厲言蒙叟深。尊聞端可述。忍俊信難禁。軼事窮山海。傳奇廣古今。梨園增雅奏。菊部感知音。碎錦精心製。披圖鬼趣臨。分門兼別類。伏案幾沉吟。技擅雕龍義。才高倚馬欽。風行期拭目。一紙價千金。

●荷衣生君

昌黎椽筆繼龍門。月露風雲快吐吞。直欲銜官呼屈宋。驚濤浩浩大江奔。
(文蒼)
解頤逕奪匡詩席。合使淳于拜下風。八九喻言工罕譬。深心原在警頑聾。
(諧粹)
王氏昔傳池北記。臨淄舊著酉陽書。名家九種翻新樣。今古交輝信不虛。
(筆記)
文人雜著最怡情。妙語能教四座傾。覽罷一篇羣捧腹。仰天有客絕冠纓。
(笑林)
讀萬卷書行萬里。難求微笑青蓮飛。頭斷髮都收拾。拾山海經今有外編。
(瀛譚)
玲瓏樓閣起虛空。筆意淩雲氣吐虹。周說虞初堪並美。稗官亦有濟川功。
(小說)
引商刻羽調翻新。響遏行雲不染塵。漫以曲高嗟和寡。從來白雪豔陽春。
(歌曲)
紛紛粉墨競登場。就裏妍媸細較量。一字貶褒嚴去取。梨園顧曲羨周郎。
(劇話)
零紉斷素重南金。不媿人間著作林。五色光華生筆底。指揮如意見胸襟。
(雜俎)

香如叢刊題詞

四

怪怪奇奇引興長。傳神不惜紙千張。行看流遍人間世。價貴何須說洛陽。
(畫媿)

●武梈嚶君

文字結因緣。管豹窺全羨。君年少。自翩翩。著作等身如此富。突過前賢。
大筆本如椽。鉅製鴻篇世人莫。作等閒。
看字字都將心血換。辛苦頻年。
(調寄賣花聲)

香如影



(四 有 十 二 年 時)

(右爲編輯者顧川秋水)



(左爲著作者錢香如)

香如叢刊總目

(初集)

▲祝詞兩種 ▲滑稽題簽兩種 ▲序文七首 ▲題詞三十一首 ▲小影兩種 ▲插圖四十六幀

卷一 文薈

●張季鷹因秋風起思尊榮鱸膾論 ●李廣程不識郭子儀李光弼將畧優劣論 ●讀史記滑稽傳書後
●讀天演論書後 ●陳良士小傳 ●俠女花彈詞跋 ●游戲科學自序 ●魔術講義自序 ●魔術小
言 ●詠安化陶懋謙先生宸翼 ●消夏兩首 ●夏日南園 ●老妓 ●老將 ●定夷叢刊二集題詞
●自題魔術講義 ●閨怨 ●古柏 ●西湖謁岳王墓 ●同孫玉聲先生遊西湖 ●秋夜同穎川秋
水登樓外樓

卷二 諧粹

●魔術家趙夢華呈法螺部立案文 ●打茶圍序 ●錢卦 ●宗教解 ●繁華雜誌解 ●豬頭三解
●覆屁渣書 ●罵蚊蟲文 ●封人榜 ●吃糧不管事 ●將軍何多 ●改良稱呼 ●虛張聲勢 ●

香如叢刊總目

談天 ●平等主宰 ●讀書難 ●龍王賜姓 ●貢士驗飯 ●士子掉文 ●富翁蒔菊 ●孫行者講和

卷三 筆記

●長指爪 ●催眠術 ●記演匪與某道事 ●智醫 ●醜宦 ●甲申中法戰記 ●忠厚可風 ●中
 壽之言 ●一對好夫妻 ●忍心翁 ●主筆巧思 ●瘟生 ●苦命妾 ●奇女子 ●不費一文之電
 車 ●單思病 ●孝子療父病 ●男兒之好模範 ●烈弟 ●煙霞洞聯 ●女巫治病 ●馬眼看人
 大 ●鵝眼看人小 ●華秋岳軼事 ●郭友松軼事 ●馬如飛軼事 ●何桂笨軼事

卷四 笑林

●文章批語 ●問姓名 ●百勿担差 ●題扇面 ●學一個乖 ●戒賭 ●苦腦子 ●著書妙喻
 ●糊塗乞丐 ●笨伯問月 ●說死話 ●不興 ●老少無欺 ●九代乾兒子 ●釘釘較量 ●呆兒
 子 ●呆女兒 ●興隆票 ●著作家 ●嘴上空談 ●塌便宜貨 ●拒絕老饕 ●吃酒 ●四圍
 ●講笑話 ●大言不遜 ●學堂招貼 ●活鬼 ●打岔 ●一對糊塗蟲 ●爲錢叫屈 ●考究衛生
 ●吝嗇鬼 ●饑吐 ●好利害的新嫁娘 ●變通古典 ●篩油 ●罵人語 ●不費分文之省儉法
 ●先生講書 ●違背聖訓 ●乞丐倒運 ●題書名 ●盡義務 ●聽電話 ●吃客 ●官員不扒